

۱۴۳
۱۴۳

الاشك

المسلمين

۹ شوال ۱۳۳۶	نخشبته	۱۸ تموز ۱۳۳۴
صافی ۲	دعوت واجابت امتلینہ تلقیناتہ و اهل قبلہ نک : تعارف ، تعاون و اتحادینہ خادم ، حکمت تشریعینہ باحث ، شئون اسلامیه فی ناشر هفته لق اسلام نورک جریده سیدر	بارہ ۹۰ ۱۰۰

مندرجات

لدنیات فرقانیہ	شیخ و اس الدین
حدیث شریف	غوثی
دیانت حقہ و مدینت حقیقیہ	مرشد
وعظ و واعظ	محمد الدین حمدی
	صفوت

اسکداردہ احسانیه جامع شریفندہ اوقونان خطبہ لردن ایکہ جیسینک ترجمہ سی
جریدہ صوفیہ نک ، اوچنجیلی ارشادک کلہ جک نسخہ لرنده درج ایدیلہ جکدر .

ولتكن منكم امة يدهون بها الخير وبأمره
بالمعروف وينهون عن المنكر وأولئك هم المفلحون

الاشارة

المسلمين

صاحبي باندردمه لي

احمد حلمي

تاريخ تأسيسه :

غرة رمضان

١٣٣٦

مسلكه موافق مختصر

ومفيد لازيلر قبول

اولنور .

درج اولثيمان يازيلر

اطاده ايدلر .

مدير مسئول

حسن كاظم

اداره خانه :

دارالخلافه المليه

باب عالي ابو السعود

جاده سي : نومروه ٧٥

سنه ك آتومسي :

توركييا
ايجون ١٢٠
خارج ١٣٠
ايجون

١٨ تموز ١٣٣٤

نچته

٩ شوال ١٣٣٦

باره

١٠٠

دعوت واجابت امثله تلقيناته واهل قبله بك : تعارف ،

تعاون واتحاديه خادم ، حكمت تشريعدن باحث ،

شئون اسلاميه بي ناشر هفته لق اسلام تورك جريده سيدر

صاني

٢

مال منق

جناب حقا بعض عبادی وارد که آنلری محتاج معاونت اولان ناسک
حوالچی تسویه ایچون خلق بویورمشدر . مخضا رضای باریستی تحصیل
فصلیه اینای جنسک تسویه حوائجه غیرت ایدن به اویاک طینشاک روز جزاده
عذاب نار ایله تعذیب اولیمه جقلمی جناب حق وعد قوی ایله وعد بویورمشدر
اودوات منزه یوم قیامده نوردن منبرله جالس اوله جقلمو ناس محاسبه اولنورکه
عند یاریده شفاعتجیلک ایده جکلردر .

اشبو حدیث شریفی غمرو این عوف
(رضی) حضرتلری روایت بویورمشدر

غونی

دیانت حقه ومدنیّت حقیقه

۱ نجی نسخهدن مابعد :

برنجی مملک حدوتدر که اوده عالمک حدوتیه وجود واجبه استدلالدن عبارتدر .
خلاصه می شود :

بیون عوالم ماده سیله ، صورتیه حادثدر هر حادثک بر محدثه احتیاجی ایسه
ضروری اولدیغندن بو عوالمکده بر محدثه احتیاجی شبهه سزدر که اوده اماره حدوت
وامکاندن منزه اولان واجب الوجوددر .

بودایی تکمیل ایدن مقدمه لردن ایکنجیمی بدیهی ایسه ده برنجیمی نظری
اولدیغندن بوجه آتی ایضاح ایدیوریز :

فی الواقع بیون عوالم صور وموادیه حادثدر . زیرا عوالم اعراض واعیاندن
مرکبدر بونلر ایسه بلا شک حادثدر .

حدوتلری بالمشاهده ثابت اولانلر سکوندن صکره حرکت ، ضعیادن صکره
قلمت ، حرارتدن صکره برودت ، حضرتدن صکره حرمت کی عرضلردر .
حدوتلری بالبرهان ثابت اولانلرده بونلرک اضدادیدر . زیرا مثلا سکوندن صکره
واقع اولان حرکتک حدوتی بالمشاهده ثابت اولدیگی کی اوندن اولکی سکونک حدوتی ده
بالبرهان ثابتدر . چونکه اوسکون قدیم اولسه ایدی زائل اوله رق آنک یرینه
حرکت عارض اولمازدی . زیرا قدیم اولان برشینک زوالی بمنعدر .

چونکه قدیم یا واجب الوجود در ویا واجب الوجوده بالا اختیار کرده بالايجاب
مستند در . هر هانگیسی اولورسه اولسون زوالی بمنعذر . واجب الوجودك زوالی
ممنوع اولدینی ظاهر در زیرا وجود آنك مقتضای ماهیتی و باخود عین حقیقی اولوب
مقتضای ماهیتدن ماهیتك ویا برشيك كندیستندن انفساكي ایسه بلا شك محالدر .
واجب الوجوده بالايجاب مستنده کایجه :
بونكده زوالی بمنعذر در چونکه معلولك علت موجبیه سندن تخلفی بالبداهه باطلدر .
مابعدی وار
مرشد

وعظ و واعظلر

« ولتكن منكم امة يدعون الى الخير ويأمرون
بالمرئوف وينهون عن المنكر واولئك هم المفلحون »
(قرال کریم)

بتون ادیانك حیاتی ، ادامه موجودیتی وعظ وارشاد ایله در . بر «دین» ك ،
بر مذهبك تعمیم وانتشاری ایچون بالکمز او «دین» و مذهبك حق اولسی کافی
دکلدر ، بونکله برابر او «دین» و مذهبك بتون سرارینه واقف ذاتلر طرفندن
اونك محتوی اولدینی حقائقكده خلقك آکلایه حتی برلسان ایله عمومیه تفهیم
ایلمسی لازم در .

ایشته بونك ایچوندركه فاطر حکیم حضرتلری کتاپ کریمده مسلمانلره امر
ایدیور : ایچلرندن بر طائفهك حکمتله موعظه حسنه ایله خلقی خیره دعوت
ایتملری ، مسلمانلره دنیا و آخرتده فائده مند اوله چقلری شیملری تبلیغ ، کوتو
شیلردن آنلری تحذیر ایتملری وجوبی کوستریور ، مسلمانلردن بر قسمك
بووظیفه مقدسه ایله موظف اولملری لزومی آکلاتیور .

آیات قرآنیهدن واضحاً آکلاشیلدیورکه مسلمانلردن برجامتک حقائق اسلامیه
دائماً خلقه تعلیم و تفهیم ایتمسی . مسلمانلرک و مسلمانلرک ادامه حیاتی موجب
اولان اخلاق فاضله انسانییه کوسترمسی ، هیئت اجتماعیه بی وادی اضمحلال
و هلاک سوره و کله یه چک رذائلی بتون بشریته آجیق برلسان ایله آکلاتمسی
اوزرلرینه واجبدر . مسلمانلرک هیچ اولمازسه بر قسمی اولسون بووظیفه مهمه
ایله اشتغال ایتمیه چک اولورسه بتون مسلمانلر عند الهیده مسئول و معاتب
اوله چقلردر .